

**Commentarivs Pavli Bernriedensis, Antiqvi Scriptoris, De  
Vita Gregorii VII. Pontif. Max.**

**Paulus <Bernriedensis>**

**Ingolstadii, 1610**

XX. Othones Magni diploma de Regalibus S. Petro concessis.

---

[urn:nbn:de:hbz:466:1-65381](#)

bus à Laterano vel S. Petro nomen indendum eritis; quia omnes Pontifici in his templis ministrant, quando occasio datur.

Faustiniū qui se nominaat *S. Petri Card. Presbyterum*, dicit Caluinista esse illum, qui hodie maior Pœnitentiarius appellatur. Sed licet hoc ita esset; an ob officium maioris Pœnitentiarij Cardinalis *S. Petri* nominari potuit? Quis non rideret, si supremus Pœnitentiarius à *S. Petro*, tanquam à suo titulo, Cardinalis sancti Petri à quo- quam cognominaretur?

## C A P V T XX.

*Othonis Magni diploma de Regalibus S. Pe-  
tro concessis.*

**E**X ST A T apud Baronium Tom. 10. Anno DCCCC. LXII. Caluinista pro suppositis habet. Et tamen autographum & primigenium huius diplomatis exemplar afferuantur Romæ in Castello S. Angeli, ut testatur Baronius qui vidit. Sed en dilemma ineuitabile. *Aut Otho dedit hoc diploma, cum iam Imperator esset, aut ante Imperium. Respondeo, cum iam Imperator esset, Anno Imperij sui primo.*

Obiicit Caluinista. *Ad calcem diplomatis ponit annum XXVII. Imperij Othonis. Othonem ergo etiam ante inaugurationem & coronationem Pontificiam fuisse Imperatorem. Respondet Baronius, nomen Imperij eo loco accipi impropriè pro annis Regni; nam primum Othonis Imperantis annum, fuisse vigesimum septimum annum regnantis. Per bellè mehercules, clamat Caluinista. (Per bellè certè, imò bellius, quam tibi placeat.) Dicite mihi*

fultis.

sultis, (dicemus, ne dubites; & plura, quam audire velis) an huic improprietati praestando contradixerit Pontifex, nec ne? (Quid opus erat contradictione?) Si non contradixit, tacite renunciasse videtur priuilegio suo, quod semper Pontifices habuisse iactitant, atq; consensisse, ut electus a proceribus etiam anteunctionem & coronationem Pontificiam, sit ac nominetur Imperator Augustus. Nihil huius sequitur. Non enim fugiebat, Papam, quo sensu Otho annos Imperij in illo diplomate usurparet; impropriè scilicet, ut rectè dixit Baronius; præsertim cum idem Otho in alio diplomate Anno DCCC L XII. Nouariensi Ecclesiæ concesso, hanc clausulam adiungat. Data VI. Kalend. Augusti, Anno Dominica Incarnationis DCCC. L XII. Anno verò Imperij Domini Othonis Serenissimi Augusti primo.

Oggannit Caluinista. Fieri hoc modo ex Imperatore Proteum, qui diuersa subscriptione usus fuerit in diplomatis eodem anno scriptis. Num ideo Vertumnus erit, si eodem anno vtatur Imperij nomine impropriè; alia vice & aliibi, propriè?

Sed en Caluinianam libertatem. Optionem dat Baronius, ut eligat, num Romanum an Nouariense diploma velit esse commentitium. Nil opus hac optione. Neutrum fictitium est, quia utrumque legitimum, genuinum & sincerum est. Romanum diploma esse spurium, convinci dicit ex Leonis VIII. Bulla: & Othonis III. Constitutione; Verum & hanc & illam rectè censi stramentitiam, suo loco iam vidimus. Ait, ex Othonis diplomate falsitatis etiam argui donationem Ludouici Pj Imp. cum huic non meminerit. At meminit donationis factæ à Pipino Rege, & Carolo Magno; à qua donatio Ludouici parum discrepat. Adiungit Caluinista: Licet Othonis diploma verum esset; nil tamen ad stabilimentum Pontificie superiori-

rioritatis faceret, quia Imperator seruat ibi omnium ciuitatum  
& prouinciarum proprietatem; solumq; usum fructum Ponti-  
fici concedit. Hoc mendacium refellet ipsa diplomaticis  
inspectio & lectio: absolutam enim donationem com-  
plectitur: Et verba illa: *Salua super eosdem Ducatus nostra  
in omnibus dominatione, & illorum ad nostram partem & fi-  
lij nostri subiectione; nō pertinent, nisi ad Ducatus duos,*  
Tuscanum scilicet & Spoletanum; vnde S. Petro an-  
nua pensio soluebatur, iure dominij apud Imperatore  
remanente. Caluinista tamen ita verba illa proponit,  
quasi ad omnia dona in illo diplomate recensita spe-  
tent. Nec minor fraus & sycophantia committitur;  
cum illa verba: *ut ea in illius ditione ad utendum, & fruen-  
dum at q; disponendum firmiter valeant obtineri, salua in om-  
nibus potestate nostra, & filij nostri, &c. refert ad omnia do-  
na diplomaticis, quasi in omnibus potestatem dominij*  
Imperator sibi reseruauerit: quod falsum est; nam de  
qua potestate Pontifex loquatur; ipse è vestigio expli-  
cat; cum quomodo Romanus Pontifex eligi debeat,  
modum ac rationem præscribit. Quis sit ille Leo, spiri-  
talis Pater, cuius Otho meminit, suo loco dicemus.

Porro non tantum in illo Nouariensi, sed & in aliis  
Othonis I. Constitutionibus Anni Regni diligenter di-  
stinguuntur ab annis Imperij, vt in Præcepto de Merca-  
tu in Wezenloch, quod exstat in Appendice ad Origines  
Palatinas Freheri. Cuius clausula est. *Data ii. Non.  
May, Anno Incarnationis Dominica D C C C L X V , Indi-  
catione VIII. Anno Regni Domini Ottonis XXX. Imperij  
verò III. Alibi quoque tam in Othonis, quam aliorum  
diplomaticis semper Annos Regni ab Annis Imperij di-  
stinctos; & ante coronationem Pontificiam solos Re-  
gni Annos designatos videbis; & contrarium non nisi*

412

clarissimè deprehendes; idque scribarum potius quam  
ipsorum Principum culpâ; Imperij annos cum Re-  
gni tempore, & hoc cum illis abusue copulantium &  
continuantium. Mirarer hæc à sectariis negari, cum ipsi  
quotidie diplomata in vulgus euulgent, in quibus ac-  
curatissimè Anni Regni ab Annis Imperij, & hi ab illis,  
discriminantur, & in quibus ante inaugurationem Pô-  
tificiam non Imperatores, sed Reges appellantur; nisi  
compertum haberem, istos, odio Pontificis Romani  
eò processisse, ut etiam clarissima inficiari non erube-  
scant. Euulgauit Anno superiore, hoc est, M. DCIX.  
Erpoldus Lindenbrogius vno in volumine scriptores  
quosdam rerum Germanicarum Septentrionalium, &  
cum illis non paucas Imperatorum & Regum Con-  
stitutiones, nominatim trium Othonum, in his distin-  
ctio hæc accuratè obseruatur; nullus illorum ante Co-  
ronationem Pontificiam, sese Imperatorem nominat;  
sed solummodo Regem. Exordium primæ Constitu-  
tionis est. Otto diuina fauente Clementia Rex, &c. Finis.  
Data 11. Kalend. Iulij Anno Domini D C C C C . X X X V I I . In-  
dict. 10. Anno Regni Ottonis piissimi Regis I. Secundæ. Otto  
Rex, &c. Anno autem Ottone Regnante Rege II. Tertiaz,  
Otto diuina fauente Clementia Imp. Augustus. Anno Dom.  
Incar. D C C C C . L X V . &c. Anno autem Domini Ottonis  
Imperij IV. Regni XXX. Quartæ. Otto Dei Clementia Imp.  
Augustus, &c. Anno Domini Ottonis Magni Imperatoris  
Regni X X I . Imperij verò IV. Quintæ, quæ est Othonis  
II. Otto diuina fau. Clem. Rex. Anno Serenissimi Regis Otto-  
nis VII. Sextæ, itidem Othonis II. Otto diu. fau. Clem.  
Imp. August. Anno Regni Domini Ottonis XI. Imperij autem  
VI. Septimæ, Otto diu. fau. Clem. Imp. Aug. Anno Regni II.  
Ottonis XXV. Imperij autem XV. Octauæ, Otto (est hic  
Ter-

Tertius) diu. f. Clem. Rex. Anno III. Ottonis regnantis V. Nonæ. Otto Dei Clementia Rex. Finis prout in præcedenti cōstitutione. Decimæ. Otto, &c. Rom. Imp. Aug. Anno III. Ottonis Regni XIV. Imperij V. Undecimæ clausula. Anno III. Ottonis Regni XIV. Imperij VI. In eodem volumine exstat diploma Henrici Aucupis. Initium. Henricus diu. f. Clem. Rex. Finis. Anno autem Henrici Regis XVII.

## CAPVT XXI.

Commentitia Othonis III. Constitutio, eiusq<sup>e</sup> refutatio.

**E**DIDIT hoc figmentum Goldastus Caluinista inter non tam Imperiales, quam suas Cōstitutiones, nam pleraque non sunt Imperatorum sanctiones, sed schismaticorum, Hæreticorum & aliorum malè feriatorum somniationes; ut iam s̄epe dictum, qui eam refert ad annum Redemptoris DCCCC.XCVIII. hac p̄fixa inscriptione. De Iure ac potestate Imperij, de Donatione Constantini & Caroli Calui, de assignatione bonorum, quibus Pontifices Romani, ad sui suaq<sup>e</sup>, Ecclesiae sustentationem uti frui debeant. Textus ita habet.

In nomine sancte & indiuidua Trinitatis Otto seruus Apostolorum, & secundum voluntatem Dei Salvatoris Romanorum Imperator Augustus. Romanam caput mundi profitemur, Romanam Ecclesiam matrem omnium Ecclesiarum esse testamur, sed iniuria & inscientia Pontificum longè sua claritatis titulos obfuscasse. Nam non solum qua extra Urbem esse videbantur, vendiderunt, & quibusdam colludis \* à lare \* altare. S. Petri alienarunt, sed (quod absq<sup>e</sup> dolore non dicimus) si quid